

0.0.1 nidāna suttaṃ

1. tīṇi'māni bhikkhave nidānāni kammānaṃ samudayāya. katamāni tīṇi: lobho nidānaṃ kammānaṃ samudayāya, doso nidānaṃ kammānaṃ samudayāya, moho nidānaṃ kammānaṃ samudayāya.

2. yaṃ bhikkhave lobhapakataṃ kammaṃ lobhajaṃ lobhanidānaṃ lobhasamudayaṃ, yatthassa attabhāvo nibbattati, tattha taṃ kammaṃ vipaccati. yattha taṃ kammaṃ vipaccati, tattha tassa kammassa vipākaṃ paṭisaṃvedeti diṭṭhe vā dhamme, upapajje vā¹, apare vā pariyāye.

3. yaṃ bhikkhave dosapakataṃ kammaṃ dosajaṃ dosanidānaṃ dosasamudayaṃ, yatthassa attabhāvo nibbattati, tattha taṃ kammaṃ vipaccati. yattha taṃ kammaṃ vipaccati, tattha tassakammassa vipākaṃ paṭisaṃvedeti diṭṭhe vā dhamme, upapajje vā, apare vā pariyāye.

4. yaṃ bhikkhave mohapakataṃ kammaṃ mohajaṃ mohanidānaṃ mohasamudayaṃ, yatthassa attabhāvo nibbattati, tattha taṃ kammaṃ vipaccati. yattha taṃ kammaṃ vipaccati, tattha tassa kammassa vipākaṃ paṭisaṃvedeti diṭṭhe vā dhamme, upapajje vā apare vā pariyāye.

¹upapajja vā - machasaṃ.

5. seyyathāpi bhikkhave bījāni akhaṇḍāni apūtīni avā-tātapahatāni sārādāni sukhasayitāni sukhette supari-kammakatāya bhūmiyā nikkhattāni, devo ca sammā dhāraṃ anuppaveccheyya, evassu tāni bhikkhave bī-jāni vuddhiṃ virūḷhiṃ vepullaṃ āpajjeyyūṃ.

6. evameva kho bhikkhave yaṃ lobhapakataṃ kam-maṃ lobhajaṃ lobhanidānaṃ lobhasamudayaṃ, yat-thassa attabhāvo nibbattati, tattha taṃ kammaṃ vi-paccati. yattha taṃ kammaṃ vipaccati, tattha tassa kammaṃ vipākaṃ paṭisaṃvedeti diṭṭhe vā dhamme, upapajje vā, apare vā pariyāye.

7. yaṃ dosapakataṃ kammaṃ dosajaṃ dosanidānaṃ dosasamudayaṃ, yatthassa attabhāvo nibbattati, tat-tha taṃ kammaṃ vipaccati. yattha taṃ kammaṃ vi-paccati, tattha tassakammaṃ vipākaṃ paṭisaṃvedeti diṭṭhe vā dhamme, upapajje vā, apare vā pariyāye.

8. yaṃ mohapakataṃ kammaṃ mohajaṃ mohanidā-naṃ mohasamudayaṃ, yatthassa attabhāvo nibbattati, tattha taṃ kammaṃ vipaccati. yattha taṃ kammaṃ vipaccati, tattha tassa kammaṃ vipākaṃ paṭisaṃve-deti diṭṭhe vā dhamme, upapajje vā, apare vā pariyāye. imāni kho bhikkhave tīṇi nidānāni kammānaṃ samu-dayāyāti.

9. tīṇi'māni bhikkhave nidānāni kammānaṃ samuda-yāya. katamāni tīṇi: alobho nidānaṃ kammānaṃ sa-

mudayāya, adoso nidānaṃ kammānaṃ samudayāya,
amoho nidānaṃ kammānaṃ samudayāya.

10. yaṃ bhikkhave alobhapakataṃ kammaṃ alobha-
jaṃ alobhanidānaṃ alobhasamudayaṃ, lobhe vigate
evaṃ taṃ kammaṃ pahīnaṃ hoti ucchinnamūlaṃ tā-
lāvatthukataṃ anabhāvakataṃ² āyatim anuppādadham-
maṃ.

11. yaṃ bhikkhave adosapakataṃ kammaṃ adosa-
jaṃ adosanidānaṃ adosamudayaṃ, dose vigate evaṃ
taṃ kammaṃ pahīnaṃ hoti ucchinnamūlaṃ tālāvat-
thukataṃ anabhāvakataṃ āyatim anuppādadhammaṃ.

12. yaṃ bhikkhave amohapakataṃ kammaṃ amoha-
jaṃ amohanidānaṃ amohasamudayaṃ, mohe vigate
evaṃ taṃ kammaṃ pahīnaṃ hoti ucchinnamūlaṃ tā-
lāvatthukataṃ anabhāvakataṃ āyatim anuppādadham-
maṃ.

13. seyyathāpi bhikkhave bījāni akhaṇḍāni apūtīni
avātātapahatāni sārādāni sukhasayitāni. tāni puriso
agginā daheyya, agginā dahitvā masiṃ kareyya, ma-
siṃ karitvā mahāvāte vā opuṇeyya³, nadiyā vā sīgha-
sotāya pavāheyya, evassu tāni bhikkhave bījāni ucchin-
namūlāni tālāvatthukatāni anabhāvakatāni āyatim anup-
padadhammāni.

²anabhāvaṃ kataṃ - machasaṃ, syā.

³opuṇeyya - machasaṃ.

14. evameva kho bhikkhave yaṃ alobhapakataṃ kammaṃ alobhajaṃ alobhanidānaṃ alobhasamudayaṃ, lobhe vigate evaṃ taṃ kammaṃ pahīnaṃ hoti ucchinna-mūlaṃ tālāvatthukataṃ anabhāvakataṃ āyatiṃ anup-pādadhammaṃ.

15. yaṃ adosapakataṃ kammaṃ adosajaṃ adosani-dānaṃ adosasamudayaṃ, dose vigate evaṃ taṃ kammaṃ pahīnaṃ hoti ucchinna-mūlaṃ tālāvatthukataṃ anabhāvakataṃ āyatiṃ anuppādadhammaṃ.

16. yaṃ amohapakataṃ kammaṃ amohajaṃ amoha-nidānaṃ amohasamudayaṃ, mohe vigate evaṃ taṃ kammaṃ pahīnaṃ hoti ucchinna-mūlaṃ tālāvatthuka-taṃ anabhāvakataṃ āyatiṃ anuppādadhammaṃ. imāni kho bhikkhave tīni nidānāni kammānaṃ samudayaṃyāti.

lobhajaṃ dosajaṃ ceva,
mohajaṃ cāpaviddasu;
yaṃ tena pakataṃ kammaṃ,
appaṃ vā yadi vā bahuṃ;
idheva taṃ vedanīyaṃ,
vatthu aññaṃ na vijjati.

tasmā lobhaṃ ca dosaṃ ca,
mohajaṃ cāpi viddasu;
vijjaṃ uppādayaṃ bhikkhu,
sabbā duggatiyo jahe'ti.